

## KERATAN AKHBAR



SURAT KHABAR	:	HARIAN METRO	
TARIKH	:	22/11/2019	MUKA SURAT : 24
JABATAN	:	PERHILITAN	
KLASIFIKASI	:	<b>PERHATIAN</b>	

# Proses ambil telur Iman sukar

## Kedam kesihatan badak sumbu Sumatera terakhir bertambah tenat jika pembiahan IVF dijalankan

Oleh Mohd Izhann Unniph  
Abdullah  
thaddius@hmetro.com.my

**Kota Kinabalu**

**P**eluang badak sumbu Sumatera terakhir Malaysia sembuh bagi membolehkannya menjalani proses pengambilan telur untuk pembiahan secara in-vitro (IVF) dilihat sukar berikutan keadaannya kian tenat.

Pengarah Jabatan Hidupan Liar Sabah (HLS), Augustine Tunnga, menyatakan walaupun mamalia betina dikenali sebagai Iman itu masih mengeluarkan telur namun keadaan kesihatan boleh menjadi semakin buruk jika proses pengambilan telur dilakukan.

"Melihat keadaannya yang semakin tenat, kita tidak sampai hati untuk melakukan proses pengambilan telur kerana kita bimbang ia menyebabkan kesakitan di-

alaminya bertambah teruk dan mungkin tidak dapat bertahan.

"Setakat ini, peluang untuk Iman menjalani proses itu tipis. Namun, kita berdoa agar keadaan kesihatannya dipulihkan menerusi proses rawatan yang dilakukan," katanya.

Iman yang dianggarkan berumur 25 tahun kini berada dalam pentagaan rapi veterinar badak Borneo, Sankuari Badak Borneo, Hutan Simpan Hidupan Liar Tabin, di Lahad Datu.

Mengulas lanjut, Augustine berkata, pakar dari Jerman yang melakukan proses pengambilan telur Iman sebelum ini bersedia dipanggil semula bagi mengulangi proses itu jika keadaan kesihatan Iman mengizinkan.

Telur atau ovum mamalia itu dikeluarkan pakar itu akhir

September lalu namun ia gagal disenyawakan melalui teknik IVF disebabkan sperma atau benih daripada badak jantan yang digunakan dalam proses itu kurang berkualiti.

ia menggunakan sperma daripada badak jantan dikenali sebagai Tam yang diambil dan disimpan sebelum badak itu mati akibat usia tua dan kegagalan organ dalam Mei lalu.

Pada masa yang sama, Augustine berharap Indonesia memberikan maklum balas segera berhubung rancangan menandatangani perjanjian persefahaman (MoU) pembiahan badak.

MoU itu antara lain berkaitan persetujuan bagi membolehkan benih badak Sumatera jantan dari Indonesia digunakan untuk disenyawakan dengan telur Iman menerusi teknik IVF.

ia merangkumi MoU berkaitan penggunaan ibu tunggal badak betina Indonesia bagi menempatkan embrio yang dihasilkan memandangkan keadaan kesihatan Iman tidak membolehkan ia bunting.

"Kalau Indonesia tidak memberikan maklum balas, kita tidak boleh berbuat apa-apa tetapi kita tetap berusaha dan berharap MoU yang dirancang itu dilaksanakan secepat mungkin.

"Sebenarnya MoU itu bukan saja berkaitan Iman, malah ada aspek lain pemeliharaan badak," katanya. Sebelum ini, kerajaan negeri yang diketuai Timbalan Ketua Menteri, Datuk Chiristina Liew mengadakan pertemuan dengan Indonesia berkaitan perkara itu, namun belum ada perkembangan lanjut setakat ini.

Kelmarin, Christina yang juga Menteri Pelancongan, Kebudayaan dan Alam Sekitar negeri, menjelaskan keadaan Iman tenat.



IMAN dalam pentagaan rapi di Hutan Simpan Hidupan Liar Tabin.

Sperma badak jantan digunakan sebelum ini kurang berkualiti